

守
意
龕
詩
集

守意龕詩集卷七

三韓 百齡 菊溪著

丙午

元旦

東斗回杓紀歲星靈臺曉望瑞雲停
春風欲放千絲柳
暖日晴舒一葉葢
貼牖桃符連喜氣
奉觴椒酒頌耆齡
兒童頭上銀旛峭
棗栗分甘遍鯉庭

正月三日齋期宿瀛洲亭

柵鍊葳蕤夜啟扃齋期重許宿槐廳
西曹夢隔神仙侶

謂莫青友劉厚田諸公

東壁光聯太史星

是日晤曹習庵前輩陸樸堂吳松園兩學士

已擬頭銜成謫宦難從履跡問前型

予自改官後不至玉堂倏經三月

長檠短几攤書坐藜火猶疑照夜青

歌者福郎子使晉時曾於陳時齋司馬席上見之

色藝擅一時之最後五年復過於京華旅邸懽

悴依人迥殊昔狀子爲嘆息者久之會章峻峯

明府至自保陽因勸令攜之而去並爲賦小詩

四章悼勝會之不常睹芳華之易謝峻峯深于

情者倘亦動天涯淪落之感耶

豈是三生石上緣彩雲遙墮太行邊懽騰一別渾如昨

顚顚相逢劇可憐尙記銀鈎藏袖底屢呼檀板出花前

南皮賓從歡遊地撒手春風漫五年

鴉髻妝成豔綺羅迴眸閃閃瀉晴波金張座上珠璣綴
王謝堂前歲月過誰許杏梁安燕壘枉銜花蕊築蜂窠
停尊不御青燈耿

用梅村句

爲爾愁心一夕多

破帽疲驢顧影單纈紋堆面怯風寒自憐飄泊身如寄

欲訴生平事轉難紅杏詞人留渭北

謂葛菱溪在秦中

青衫司

馬滯江干

陳時齋赴粵東

天涯儕輩同牢落相對何心道換官

久住黃鶯恰恰啼殷勤重覓一枝棲氣如醇酒推公瑾
思比春蠶笑玉溪花底放衙安筆硯日邊行部侍輪蹄
願公莫惜東風力扶起寒條蔭舊堤

醉中作福郎詩既而悔之再賦四韻以志吾過並

簡鑑溪

賺入歡場醉不支無端風月繫離思人如旅燕曾相識
跡似飛鴻任所之幻望未消禪榻夢豔歌猶甚冶遊詞

鑑溪曾作
冶遊詞

鼠鬚鑄錯難回首掬水從教洗惡詩

洞庭王鷗白樵南田一竹齋圖爲程東冶舍人題

妙墨神物持通靈能破壁遙遙作者心誰與步程式相
彼一竹影當窗翠欲滴坐中嵇阮徒風雨快幽覲卓哉
南田翁筆勢老無敵卽今副墨留聊以補散佚公之嗜
古情感舊動胷臆流連海上琴悽惻山陽笛過眼成煙

雲幽意企而及譬樵匡廬山真面倘可識

次韻和蘭巖坦園兩太史燕九日西苑入直作

柳底春波盪眼明沙堤聯步入蓬瀛遠山銜照天容淨
高閣流雲夜氣清列炬花驚連樹發懸絙人訝御風行
廣庭嘉讌覘王會曼衍魚龍樂屢更

題法時帆學士溪橋詩思圖

金谷不作狂夫狂灞橋不似腐儒腐神仙窟宅摹詩人
展卷幽情赴阿堵先生卓然鸞鶴姿搏風有力凌天序
東觀埋頭窮秘書下筆驚人猛若虎奏賦曾分枚馬腹
和聲倏振橋門鼓卽今地望崇八磚文采風流冠儔侶

那知愛閒不愛官嗜痴有癖吟思苦年華方盛詩已老
駸駸不懈及于古況復門前溪徑幽依稀城市得村塢
水色溶溶繞石欄花枝灼灼綸堂廡退直咿唔手一編
東風瞥眼春如許此間佳趣成天然一邱一壑何足數
幾輩披圖題句過珠光璀璨接元圃笑我微吟秋蟀聲
穿縞未敢竟强弩

清明日同樹堂蘭巖坦園集庶常館作

漠漠新煙散六街玉河新水淨如揩試探花事春猶淺
纔入詩壇興便佳造鳳固應推閣館聚蚊猶恐誚朋儕
藜牀黃卷平生夢閉戶宜教二物乖

芸館迴翔歲月徂履綦相約又操觚梁添燕壘新雛長
壁篆蝸涎舊字無乍喜香分同說餅未妨吟苦對拈鬚
尋常竟習雕龍技爲問誰探領下珠

春日遣懷

料峭東風散雨絲春寒有意勒花枝閉門便覺市聲遠
擁鼻偏憎詩思遲夢裡懷人馳短驥時憶葛生菱溪病餘留客
怯深卮人生事事前因在如願何能日展眉

春園

上砌新痕遍綠苔小堂簾捲靜無埃淡雲微雨東風軟
扶起花頭次第開

暮春過蘆溝橋

遠煙漠漠草萋萋
碎月流灘望欲迷
羨殺鳬雛眠最穩
任他車馬鬪長堤

宦轍縱橫未易量
尋春駐馬惜流光
橋邊幾日新栽柳
一一臨風似我長

生日

階蓂一葉展清和
幾輩騷人載酒多

用荆公生日詩意

記得兒

童騎竹馬等閒三十九年過

不妨冷宦似林泉
春入幽棲樂事偏
歲歲好光當此日
故擎紅朶向尊前

夜坐頤園

孟夏氣芳潤滿園垂綠陰花弄月中影竹搖牆外音捫
心悟禪偈危坐鳴素琴廓然羣動息俯仰消塵襟

喜雨

今夜聞雷喜簷聲落雨強

一人杼耨慮萬口誦甘漿寶氣勝珠玉神功泯蠶蝗枯
田生意轉早見麥頭昂

申生爲其母夫人乞壽言賦此贈之

憶昔乘星輶採風過上黨山川清且醇鍾毓悉英爽申
生卓犖才論文愜心賞況稟過庭訓循陔篤孝養藹藹

瞻椿萱慈蔭邦人仰薰其德善良芳譽推而廣伯鸞與
德曜賢哉世無兩卽今繡悅懸珂里春暉朗繞座千芙
蓉花開大如掌翁亦顏色喜矍鑠同扶杖名流交贈言
煊赫署門榜爲之誦南山我以蕪詞往

題畫

桺杖樹老石嶙峋野水浮空漾麴塵那得片帆招我去
煙波窟裡着吟身

章峻峯書來具道福郎事詩以解之

風拉西窗雨打扉夢回孤枕漏聲微人猶未老情先少
用段成式詩事欲求全計轉非愛鶴儲糧分薄俸賺魚
隨年少句意

吞餌蹈危機楊花畢竟無根蒂一任漫天作雪飛

雨中鑑溪招同熊雪三同年張澄村明府飲賜硯

齋

湧砌濤聲北霑衣雨點粗出門驚汗漫拔足向泥塗不
厭飛觴醉頻煩折簡呼主人高興發相見將吟鬚

到此隔城市幽棲得地偏樹陰濃繞屋花逕暗分泉愛

客投陳轄驚心著祖鞭據鞍誇矍鑠

鑑溪宦興頗濃故戲之

未肯

賦歸田

邂逅朋簪盍深杯不暫停離情多感舊

億陳司馬時齋謔語到

忘形海嶠人初返揚州夢乍醒

鑑溪時自南還

簷牙鳴夜雨可

似畫船聽

風月談徐勉笙歌列馬融暫教寬禮數原不愧儒宗拄
腹牙籤滿操觚壁壘空眼前詞賦客都步後塵中

前七夕

洗車隔日雨初收耿耿銀河澹欲流入夜不眠驚鐵馬
有人高卧看牽牛蛛能試巧應先乞鵲本通靈詎待酬

義山詩可能
無意酬烏鵲

寄語別離休悵望以秋期尙未逢秋

立秋日苦雨遣悶

空出山雲懶不收連宵泱泱雨填溝曉聞藤閣秋聲起
一葉飄風下急流

泥湍階除潦水渾樹陰濃合又黃昏
本來拙宦逢迎少
苦雨翻教日閉門

垂天雨腳俄穿屋皮几繩牀旋旋移兀坐舉頭成一笑
漏痕真好悟臨池

樹頭何處覓銅鉦懊惱巡檐點滴聲醒耳乍驚乾鵲噪
似將吉語報新晴

賦得夏雲多奇峯

得多字

真是浮雲變態多漫空忽湧碧嵯峨去天一握凌風展
拔地千重挾雨過於縹緲中觀海嶠最奇絕處傍銀河
無因得遂登峯想捧日長吟紉縵歌

送恭蘭巖侍講典試粵東

屢向奎垣認使星乘輅今喜送君行文章本裕千秋事

用朱竹垞句

風雨應聯萬里情

用明遠風雨萬里句意時鮑雅堂同奉

使天上

好音傳

鳳闕日南吉語遍羊城片帆秋月環珠浦心與廉泉一

例清

一編甘苦証初心桂嶺香披鎖院深自是空羣多上駟

未妨別調有焦琴傳薪定勝和凝鉢歸橐應嗤陸賈金

寄語故人多釀酒

謂平寬夫學使

撤闌同賦涉江吟

約及門諸子作文會口占示之

槐花黃處集朋簪，秋引天香入桂林。
三載魚龍看變化，十年風雨試謳吟。
文壇射鵠穿應巧，學海逢原汲要深。
巨手定能扶大雅，莫教別調憾知音。

送葛菱溪入秋闈作

聲價真看十倍增，眉間黃氣合飛騰。
卽今抱璞人爭獻，畢竟空羣汝擅能。
一第崢嶸娛白髮，半生牢落對青燈。
扶搖更乞秋風便，直到蓬山最上層。

中秋夜坐有懷樹堂芝軒

不知秋已半，庭樹暮增寒。
人憶去年別

客歲同樹堂芝軒扈從灤陽

月逢今夕圓，星軺游宛雒。

謂德樹堂典試大梁

龍節指辰韓

芝軒奉

命往 回首長安遠占星向北看

不遣微雲點真看貝闕遙何人歌水調永夜脫塵囂酒

熱愁應滌心清句亦超風簷揮彩筆花映燭三條

憶開中諸

弟

同夢銀臺前輩遊潞河宿天仙庵

一林疎影絡斜陽郭外西風作晚涼未許後塵隨驥尾

轉因別逕滯羊腸

余因迂途後至

煙垂野屋重茅葺霜折寒蒲

半畝荒好是短轅吟眺處盡收秋色入奚囊

斷潢盤石曲通津小艇衝波轉栗頻四十里看煙樹合

兩三年訝市廛新連宵訪舊同攜酒別苑逢僧又駐輪

禪榻夢回涼月迥經聲燈火隔前塵

癸卯秋日蕭玉亭前輩招遊宿此

買菊

菊場爛漫倚風開翦蕊分盆客土培
昨夜橫街寒雨霽
一肩秋色入城來

竹篩窗月蕭蕭影松亞簷風諤諤聲
更得黃花能耐冷
晚香同結歲寒盟

秋夜偕時泉庶子飲法學士時帆齋中卽次時泉
見贈原韻

一條冰共耐清寒同調誰云形影單
縱酒昂藏嫌事少
看花次第到秋闌空驚歲月馳車轂
慣見雪霄刷羽翰

特達有才天付與諸公衮衮步趨難

庭梢脫葉晚窗寒履跡相尋點食單有菊不妨邀客賞
無詩轉悔坐更闌風催壁角秋蟲響霜戢簷頭宿鳥翰
但得旃檀除熱惱圖蕉高卧更何難

偕正塘前輩宿三家店

就日輪蹄迅沿關驛路通雲消山骨瘦風過樹心空秋
老菊場裏詩排雁陣中去城纔百里已似脫塵籠
暮色蒼然至鴉聲喚客過寂寥村挂月澎湃岸喧波白
酒三杯醺清談一夕多知君愛茆屋暫抵卧煙蘿

迎

駕後行密雲道中

奉轡清塵獵騎旋路平如掌直如絃日臨仙馭千官肅
雲壓秋場萬帳連翠巘影分旗腳外黃花香到馬蹄前
屬車半是鄒枚侶荷筆長楊憶去年

蜿蜒地闢盧龍塞雉堞連雲望眼開一水滌洞隨澗曲
萬山雜沓入關來年豐併喜收梨棗俗瘠眞難辨頸顚
底用採風陳太史

時巡吟賞遍薶萊

牛欄山村舍與芷塘先生夜坐

眼前便是鄉園路來往秋風感鬢絲難得牛欄山畔月

爲君今夜照彈碁

早持班管住蓬壺行篋猶藏照乘珠乍聽鶴聲飛一一

又移清夢到西湖

先生誦西湖舊作有鶴聲一一
慙佳句牛磨團團憶昔時之句

時泉半舫書屋夜話疊前韻奉簡

秋老楓林夜氣寒打窗風猛壁衣單兩人枯坐心如洗
七字重拈興未闌鐘遞鯨音驚鼠穴月垂弓影怖禽翰
多因誤着盧生枕擾擾塵根放手難

下直過坦園齋中留飲三疊前韻

棲鴉宮樹暮煙寒散直銅街客騎單曾與故人約雞黍

又隨涼月到門闌談經鶴髮欣扶杖

太翁常講
學于家學舞鵲

雛欲振翰

嗣君皆穎異能文

何事爲君增太息一官轉抵蜀山

難

用祝芷塘前輩句

與宋澹菴國博別六年矣丙午秋日令嗣芸圃南

歸適屆澹菴五十初度賦此寄懷兼以奉祝

人生聚散非偶然堂堂歲月如奔川薄書堆裡一回首
懷人夢落江湖邊君家舊住鑑湖曲到門流水清且漣
憶昔趨庭歲辛卯一舸曾訪剡溪灣造次相見便傾倒
投贈心如金石堅謾謾喬松倚千尺昂昂野鶴凌九天
不教俯首就疆鎖坐令雅望歸林泉解推況復重然諾
素侯豈必誇腰纏朝攜蠟屐暮投轄時與二客同流連

謂范文虎
柴穎中

江城雪夜一爲別馬上揮手隨風煙那知萍

蹤天許合下車一揖行山前

戊戌秋日余視學晉陽時澹庵亦遊山右爲君

更作十日飲絳帷花月爭鮮妍北鴈南鴻數來往勝遊

屈指今幾年牛磨團團踏陳迹我猶壯歲君華顛然而

百年纔過半五十日強宜衰殘賢哉德曜肅中饋有子

都如芝與蘭卽今棒檄歸戲綵

謂芸圃令嗣

卻逢秋日桑弧

懸落袞南望氣蔥鬱招呼鸞鶴來偓佺酌君醍醐爲君

壽金丹持贈回朱顏登堂愧無縮地術寄詩聊當南山

篇

賦得刻燭限詩成

得催字同時泉坦園作

誰向詩壇义手來
夜窗刻燭鬥新裁
錦囊句待紗籠護
斑管花驚羯鼓催
能事不妨相促迫
餘輝差喜共追陪
看君給札工而速
撤炬榮誇應制才

雪後寒甚

瀉竹深宵雪打扉
玉樓銀海逼清輝
喚晴猶覺禽聲澁
向熱多嗔火力微
有客詩拈饒冷味
是日讀鑑溪先生來詩
誰家酒雋挫寒威
劇憐窮巷炊煙絕
敗絮難成御臘衣

不寐

翻笑遊仙夢易闌
漏長無睡是閒官
門前積雪窗前月
併作今宵一榻寒

丁琴泉前輩留宿衙齋疊前韻奉簡

鴉噪庭枝暮掩扉一燈書判筆生輝上方鐘漏傳青瑣
左界星河傍紫微夜酒定增題柱咏曉霜猶逞折綿威
橫牀夢醒膚生粟誰辟清寒護地衣

晚歸聞弟輩書聲詩以志喜

有底事忙歸輒晚林鴉先我覓巢還到門履跡猶防客
入室書聲乍解顏一燈雪瑩紅燭畔百城春擁絳帷間
從來文史三冬足墻角休教短檠閒

強學操觚業未精十年容易竊科名如余尙食讀書報
豈爾難叨稽古榮過去光陰同逝水舊來朋輩盡登瀛

先鞭誰着中宵舞喔喔鄰雞夢亦驚

題友人逃禪圖

古井不生波明鏡本無垢何必一團蕉跌坐乃回首詩
人例放達逃禪墮科臼十年祛睡魔萬事棄芻狗試問
圖中人肯脫朝衫否先生笑不言百觚飲美酒

題瑚實夫棠蔭讀書圖

夢草池邊共結廬綠陰濃護枕函書連牀樂憶趨庭日
展卷心同面壁初可許譚詩頻載酒未妨看竹竟停輿
短檠牆角人方棄敦好君還似蠹魚

蘭巖侍講歸自粵東讀其見懷之什依韻奉酬三

首

本來牛耳執騷壇八斗才名擬建安誰似手提風雅去
桂花香裏駐吟鞍

珠浦清輝映講壇嶺南秋訊竹平安此行更得江山助
馬上敲詩日據鞍

春風橐管伴詞壇月鏡窗前爰帖安

春初會同蘭巖
會課庶常館今

夜對君重翦燭一鞭殘雪卸征鞍

臘八日徐鏡秋太史招飲聞歌夜雪寒甚

卜晝忽兼夜忘形禮數寬年光催臘鼓節物薦春盤四
照燈花燦雙飛燕語歡雲隨歌板駐雪襯舞衣團曲誤

恩恩顧絃更續續彈迢迢沈遠漏儻蕩趁閒官白傳情
多感庾公興轉闌病眸深怯酒膨脝但加餐童盡垂頭
睡公應軟腳難

蘇詩雨腳凍硬公須軟

出門風撲面始訝外邊寒

予適有不愜意事時泉芝軒兩先生書來具道解
紛之意漫賦一首時立春前一日也

墜溷飄茵豈自由聊從人海泛虛舟蛇雖善畫難安足
蠅不能鑽漫出頭賴有朋儕爲保障屢將書札解煩憂
春風明日吹噓遍沍雪嚴霜次第收

臘月十七日立春

化工妙闢闔二氣如相隨昨宵臘雪霽今日春風吹山

梅破凍萼岸柳蘇寒枝萬物此生理發育固有期人心
畏慄慄豈識天心慈開我東園門南陸延朝曦及茲歲
云暮有酒堪介眉喧闐闐腰鼓且與兒童嬉

祭竈

風前爆竹一聲起小窗夢破書堆裏兩丸如擲歲逼除
祀竈今看開鄰比或謂神爲耳目官天之視聽繫乎此
臚陳善惡別彰燁縱無其事有其理忠信可以格神明
何論溪毛與沼沚我前頂禮詎求媚未能免俗聊復爾
小除夕雪中答圖時泉同年

就如打五鼓曉色明書幌披衣雪照顏六花大如掌寒

鴉立高樹縮頸寂無響出門路忽迷似欲絕來往歲除
人事勞天意恤塵埃錫茲瓊與瑤頓慰豐年想小園拓
素景孤眺誰與賞書來念所歡便擬剡溪訪君病坐迂
濶我失多鹵莽窮達固有命昧者徒慨慷得錢酒可沽
二醉聊俯仰火急和新詩快意比搔癢

除夕遣興

吾年三十九勞生守故步來日如奔駒下坂不能住昔
聞白樂天日斜感歲暮坡翁計歸田除夜屢賡賦緬惟
古人賢卓犖徒向慕茫茫人海中泛泛若孤鷺少壯不
努力坐令顏色故難陳似芻狗無用爲大瓠何以慰老

己意言集卷一
親念此耿不寐殷勤羅酒漿笑語雜童孺夜火燃松枝
暖煙解寒沍更聞櫪馬喧早朝騁

皇路

育堂國博見和前詩疊韻酬之

妙手有遺音健足無近步譬彼千鈞弩一發那能住君
才須晚成何必慨遲暮操觚入石渠聲價炫詞賦貧窮
衆易忽富貴人始慕前輩探驪龍後生愛野鴛此中志
趣微靜者知其故吾第憊且愚飽食肥若瓠賴茲一捧
喝塵夢使之寤腹便歌孝先榻下伴徐孺吾亦披春風
庭雪消凍沍舊韻拈新詩思入風雲路

再疊前韻示小崑香巖兩弟

惟學務時敏竿頭識進步那得攜長繩仰天駭日住角
弁喜青春轉頭及衰暮困勉能上達詎必論秉賦側聞
祖生鞭中夜起追慕懼以鸞鶴姿悠悠逐雞鶩過庭問
詩禮顏汗職此故今朝歲又除煮酒共烹瓠餘光一線
在把玩不能寤棄繻思終童積薪慨長孺流連鐘漏賒
曙光散陰沍靄靄春雲多咫尺丹梯路

守意龕詩集卷八

三韓 百齡 菊溪著

丁未

元旦試筆

參尾中看斗指寅化工調燮轉洪鈞雪花已兆一年瑞

連日大雪

風信先占半月春

臘月十七日立春

亭畔虬枝增氣象堂

前鶴髮祝精神鈔詩更葺紅闌紙點筆從頭紀令辰

正月二日出南城晚歸得句

尺五城南地春風處處皆人煙通遠市雪色界橫街柳
欲搓千縷冰初泮一涯天工開歲籥月令入詩脾翻笑

塵緣擾空令淨業乖夜歸紅燭照把卷愜清懷

人日聞時泉齋中讌客遂往索飲

爲尋君去馬蹄忙一路春雲界紫牆聞道延賓新釀酒
不妨排闥竟登堂彈棋那復論瓜葛說餅還堪憶稻粱
最喜題詩況人日醉中呵筆墨霑裳

上元夜坐卽事簡時泉庶子並寄冶亭同年二首
角戲分明火樹攢管弦聲裏酒人歡重城月上光初滿
隔歲春歸夜不寒別有深心傳楮墨了無佳興到杯盤
柳含臘雪愁千縷未必東風解釋難

破浪乘風力漸慵萬人如海寄浮蹤也知立處原無地

不信飛來竟有峯我未冥心齊得喪君須妙手善彌縫
大羅天上簪花日犯記情如臘酒醲

樹堂侍讀書來感賦一律

六張五角驗非虛陰雨何須慨棄予本未托身爲社鼠
更誰留眼到池魚榮枯分定人難料得失心平氣自舒
翻累故人頻扼腕數行感誦袖間書

卽事志慨

誰云相應是同聲覆雨翻雲計屢更未必人謀能造命
若邀

天鑒定原情絕交有論何須廣緘口無方轉自驚擡眼

上林春日暖近光草木荷生成

我僕

念彼亦人子與之甘苦同扶持猶在抱衰病忽成翁分
接寬嚴裏情聯憂樂中愧非蕭穎士相對覺才窮

我馬

憶從就韁鎖鞭策到于今其志在千里與人成一心骨
高官自冷齒長識逾深誰誦繫維句應憐空谷音

時泉以詩見慰卽和雪中奉懷之韻仍疊韻答之
閉門坐清曉春日入簾幌來詩一再讀妙似丸脫掌聒
耳箏琵琶中震以金石響深情慰且誠使我心向往平生

喜交遊斯道棄土塊被寒車笠盟此作苔岑想竿木同
逢場相識不相賞一從君子後古道藉咨訪肯同少壯
心低頭向草莽苦既不妨茹慨亦何須慷慨悠然進退間
惟有天可仰吁嗟秦越人那復關痛癢

祝芷塘前輩過訪留詩次答

屋上山禽喚亭臺得好春雪融花逕軟風曳柳條新掃
榻隔城市到門忘主賓近來疎懶甚休沐動經旬

往歲看花處于今問者誰感君憐舊雨許我和新詩官

冷骨偏傲境閒情自宜還書仍欲借敢吝酒盈甌

來詩索還

蘇詩批本故云

予被吏議鐫級奉

旨留任感恩恭紀

冬烘已負輜軒使小謫頭銜不是誣誰料蟻情蒙

曲宥尙留鷺步効馳驅議郎執簡風霆迅

溫綈回春草木蘇那有寸長堪報稱側身慙對栢臺烏

珥筆槐廳歲月賒轉官猶忝預清華曲拳陋質原多朽

造就

深恩特棄瑕感切老親增笑語氣伸同輩共咨嗟舉頭
天上紅雲暖浩蕩春暉詎有涯

春日遊西郊至覺生寺聞羅山和尚言有感而作

背郭風沙眼倦開
寺門如水淨無埃
勝遊只爲尋春去
跌坐忽聞說法來
不使心安難却病
時抱小恙慣招人忌敢
矜才閒中片語通
禪悅醉夢浮生首重回

門外往還留轍迹
十年今始駐征輪

余往來西苑道中十五年未入寺中

鐘鏞古殿先朝物

寺內有大鐘

花木禪房上界春
僧已白頭

應悟道我難青眼
數逢人可能繡佛求
長假掃地焚香
結淨因

過玉河橋望瀛洲亭海棠盛開

玉河西畔玉堂東
花信頻催廿四風
值得路人擡眼看
一株濃豔五雲中

會陪仙客詠花仙
爛漫春風十四年
今日舉頭成一笑
綠陰牆外聳吟肩

五坦園同年招同圖時泉庶子德樹堂侍讀恭蘭
巖侍講陸樸堂學士小飲清祕堂賦簡二首

綠槐當戶午陰濃
清簾疎簾面面風
到此只疑三島近

論心猶喜六人同
蹲池不去翻憐鳳

謂坦園檢討

踏雪分飛

卻憶鴻記取
汴流泉脉遠
莫教䟽鑿棄前功

向引劉井之水注瀛

洲亭小池中
今水涸矣

一彈指頃十年情
老吏今還識姓名
曾伴謫仙邀月飲
劇憐東野以詩鳴
手提風雅推公等
身是粃糠長後生

博得大家開笑口日長棋局幾回更

禱雨三壇是日得雨簡曹劍亭前輩

貧官夜夢飯甌溢曉看雲起城南阿崇壇泥湫沒韡屨
雨點拉雜隨人過三農匝月望雲漢屏翳歛跡揚風婆
春田龜坼夏隴赤不雨無麥兼無禾

九重動色爲民請一念已召天心和祠官秉璧肅將事
豈必幻術誇刑鷲鳴鳩一一弄好語溝水泱泱通盤渦
歸來亭榭除熱惱坐看生意回枝柯黑雲堆墨勢未已
一雨三日俾滂沱定知下尺生上尺煩君更作豐年歌

守遺堂爲太平崔氏伯仲題

寶氏教以義龐公遺以安寸田與尺宅至寶踰琅玕譬
彼枝葉茂鬱鬱靈根蟠譬彼泉脈遠汎汎江河寬爲善
患不力誰云垂裕難君今述祖德仰止遙增歎原田富
桑柘篋笥餘簡編當其締造日堂構靡不完及今采石
畔舉族安如磐善人國之紀負荷惟後賢卓哉好兄弟
競秀同芝蘭清芬勵鄉井耀采青雲端

禮闈揭曉簡分校諸公

本來官比玉壺清欲報

恩惟藉鑑衡載筆此番偕社友

是科分校
旂籍四人

昇輿他日盡

門生如公尙有遺珠憾似我寔無見獵情自古文章同

嗜好外邊傳誦是公評

五月二日同人小集庶常館奉餞五坦園太史扈

從灤陽

一雨能消萬斛埃玉堂花外遞輕雷何妨置酒呼同舍
況復論詩有別才懷槩久依香案側奉塵遙指碧山隈
鑿輿過處人翹首第七車看太史來

翠巘當關

蹕路平笑看飲馬向長城日移茅店踈林影夢破瓊廬
夜雨聲試以崎嶇心益壯兼乎巧力射無爭知君近習
穿楊技苦勸吟詩似不情

也知不是銷魂別到底尊前惜袂分一曲琴心悲夜月

坦園近有斷絃之感數行鴻影倚秋雲漫云好漢張良吏用狄梁公傳中

語

苦憶貧官鄭廣文

謂何玉峯同年

除卻加餐無別囑近來青

眼盡推君

磬鍾峯畔碧城闔記得狂吟坐草茵未必僧歸籠舊壁
枉教車過惜勞薪舉頭朋輩青雲近撒手年光白髮新

野老故園相問訊爲言百事不如人用坡公句

庶常館小集蘭巖侍講出示禮闈分校呈同事諸

公之作依韻奉答

半生詩笑孟郊寒吟興于今尙未闌仙館地偏炎御隔

故人情洽酒盃寬但教冰蘂盟心久何患文章報國難
往歲持衡真忝竊似君飛將合登壇

王鑑溪親家見和喜雨詩疊韻酬之

瘦藤天矯拓翠幕怪石凹凸堆巖阿小園半畝幽意足
晝靜不聞車馬過焚香埽地日孤坐在家何必非頻婆
梵音叢林也一官飽食百無補不稼不穡胡取禾君詩于我

作七發照眼珠壁驚隋和登壇劇壘闢險韻譬臨行陣

森鸛鷺連宵暑雨止還作溝澮汨汨生千渦濕雲正賴

健筆掃淋漓高架珊瑚柯更將好句壓餘子觀乎江海

羞惡

平 語出 楊子

颯爾清風故人至涼軒月上橫琴歌

次鑑溪韻寄懷五坦園太史

杳藹停雲入望殷，勸加餐飯慰雙親。
書排日課應忘倦，詩達星郵莫厭頻。
畫裏林巒遙駐馬，仗前鶴鹿近隨身。
塞湖一雨深如海，浩蕩恩波起巨鱗。

晚過鑑溪園亭

閉門卻炎暑，晚興覓幽棲。
片月扶人影，輕風散馬蹄。
草芟花逕展，籐壓屋簷低。
一諾詩成債相逢，索舊題。

簡李石農孝廉

門巷跡如埽，諸生都別離。
飄零惟子在，寂寞令人悲。
唐魏陳風日，河汾鼓篋時。
那知今夕月，留影照談詩。

拙宦成余懶偏多遲暮心分慙一日長交託十年深所
遇有通塞此情無古今願君藏綠綺鄭重向知音

雨後晚歸時泉同年留詩壁間醉中走筆次答

啜醢豈卧東鄰甕馬踏深泥到恨遲纔歇雨聲蟬噪樹
欲尋人影月窺帷詩多規諷渾如話書待編排不暫離

時泉纂
輯官書

似我飛蓬易厯亂幸生麻地借扶持

雨後過圖時泉庶子寓齋留飲作歌

六月京師暑雨多

歐陽文忠句

千溝水決同翻河主人閉戶

懼飄泊仰看屋漏愁如何愁如何爲君歌縱無鐵如意
猶有金叵羅得錢酤酒盡一醉日月逝矣霜鬢皤胡爲

齷齪愁中過雲冉冉兮入岫月涓涓兮流波空堂夜氣
豁然靜碧天萬里青銅磨人生快意眼前是知止不辱
理則那君不見玉川子破屋三間鑽故紙又不見石季
倫錦幃百尺驕陽春富者無稱貧不沒古來豪俊出寒
餓

短歌行

太守清讌城南隅滿堂絃索賓客娛賓客娛閑且都飛
揚意氣胡爲乎醉爭酒盞相喧呼罵座無端來灌夫睨
而視之心躊躇心躊躇忍忿乃保千金軀嗚呼忍忿乃
保千金軀太守莫笑迂儒迂

夜坐

明月皓如雪炎天生暮寒短牆花影落深巷漏聲殘凡事求全少吾生補過難枯林耿無寐危坐發長歎

題索靜亭侍御荷淨納涼圖卷

晶瑩冰塊明座隅空堂六月寒生膚故人雅抱別有托卧遊示我清涼圖煙波寸幅浩無際中有菡萏花光敷一篙清淺擷香露淨植未許污泥汚東船西舫判喧寂與人嗜好酸醎殊先生豈必立于獨要以冷澹銷華膺金張鼎貴重閱閱珥貂奕葉逾崔盧翔鸞鳴鳳不可數片羽凜凜霜臺烏逸興何妨戴蕩笠壯心未肯閒蓬弧

淋漓大筆坐揮灑靜中猶握驅龍珠人生淡泊志乃定
超乎色相還故吾拈花一笑自寫照其貌雖瘦中則腴
或云富貴但行樂毋乃皮相忘真符金尊檀板日醉夢
誰與花木延清娛先生自謂我知我境之所遇形弗拘
眼前通塞有定數較然此意常不渝朝登臺閣暮邱壑
四時佳興無時無詩成落筆除熱惱髣髴荷港拈吟鬚

題劉純齋前輩洗桐圖

茅堂十笏市塵絕對此已消熱客熱森森手種龍門枝
百尺捎空飽霜雪宦遊心跡清江清退食常看玉樹列
驅童抱甕日洗濯要使素質昭其潔樹人樹木理則同

誰識先生用意別琴材留和雛鳳聲展圖笑與桐君說

爲劉純齋觀察題天橋灣泛舟圖

風雨依稀丈八溝近城三面水雲浮一篙撐向花深處
領取陂塘六月秋

灣灣清浪碧于苔鏡裏分明畫幰開好是荷頭擎萬柄

含情只待使君來

用東坡句

客與

恩波海樣寬好詩題遍液池蓮本來不是煙霞侶怪底
登舟望似仙

綠陰濃處一簾風展卷清香引碧筒可我半生煙水夢

上清集卷八
十
櫓聲鴉軋卧遊中

秋日過那東園妹倩墓田感賦

茫茫秋草遍荒墳三載重來弔夕曛身後有家全付我
人間無路可尋君將雛梁燕重安壘鍛羽霜鴻始憶羣
欲向故交談舊事百番苦語不堪聞

謝五坦園太史惠菊

知君籬畔多佳友買菊還從廟市回卻爲貧官三逕冷
故移秋色一肩來疎枝帶雨添清豔嫩蕊含霜細剪裁
堆几近看塵事少也應耽句日啣杯

夜坐頤園懷劉湘皖侍御

人境真無車馬喧小園風雨又黃昏流螢穿牖夜開快
落葉滿庭秋閉門事過笑看蒼狗變年來愁見白駒奔
唾壺擊碎粗豪甚料理生涯酒一樽

坐卧雲根一幰陰尋常邱壑倦登臨塞鴻有信啣霜至
籬菊何人冒雨尋孤客清樽東閣思

先生傲寓 表貧
文達公舊宅

官華髮故園心因君更續秋聲賦唧唧寒蛩助夜吟

秋日蜜雲道中作

馬首山光萬疊開出城先喜豁塵埃驛程東去秋陽暖
軋軋車聲就日來

去年野潦遲征馬今日寒潭又夕陽秋水向人流好句

渡頭如鶴立蒼茫

匹馬往來馱二客渡頭如鶴立蒼茫祝芷塘前輩去秋渡孫河句也

鯉魚風緊鴈低飛
山過牛欄木葉稀
多少健兒秋色裏
一鞭獵騎帶禽歸

近畿衝要接嚴關
圻堠煙消戍卒閒
誰向盧龍募畫本
滿城紅葉日銜山

濶領衣裁癭婦忙
剪刀聲裏晚風涼
客來怕飲山泉水

半日愁看舌本強

密雲俗多癭以飲澗水故也

玉饌金盤未足誇
瓦盆盛酒屬農家
腐儒腸自甘粗糲
莫厭山田飯有沙

如穗燈花照座紅
破窗無寐酒杯空
隴頭流水關頭月

併入寒宵詩思中

馬嘶駝圖夜鳳鳴列帳朝看曙色晴天上日輪扶
輦過萬人如海寂無聲

夜警村雞欲睡難對牀趺坐壁衣寒忘家未必如靈運

且喜將心片刻安

歸途遇廣心齋
侍御與談釋典

遠山骨瘦撐雲健野菊香濃插帽斜若蹋軟紅城市裏
那能詩句帶煙霞

題唐秋谷聽水移情圖卽送其歸京口

小築臨溪屋似舟到門鴉軋櫓聲柔懶將善步淩黃鵠
剩有閑情訂白驅好句竟傳瀛島客片帆忽領練湖秋

迢遙鐵甕城邊路一葉西風下急流

秋懷詩簡劉湘晚前輩

城隔深巷似山家下直庭梢噪暮鴉一逕葉聲風浙瀝
半窗菊影月橫斜驚心宦海波難定回首蓬山路轉賒
剩有酒腸詩膽在醉拈斑管剔燈花

題林清泉居士琴鶴怡情圖

深柳書堂縱目遙入簷濃翠接煙條琴移客思臨秋水
鶴引詩情到碧霄畢竟此中無滯礙固應隨處脫塵囂
卧遊欲問邗江渡一舸尋君廿四橋

樹堂侍講讀禮郊居過訪留贈

十年陪鯉庭未曾三日別何期至丙舍麻衣遽如雪
槭枯樹枝悲風氣凜冽看君顏色凋霜霰淚痕結情固
聖弗禁性亦人難減保此千金軀用以光閎闕殷勤且
誠勸苦語不堪說傷哉蓼莪篇字字王褒血

長至日過時泉庶子齋中

放眼林梢解向榮岸容山意費量評

穹壇聽漏夜趨直

時泉侍班壇幄

仙仗攜春朝入城但惜年光

催客鬢敢云官職折詩名逢君便覺吟思發擁鼻空堂
句又成

題劉湘晚侍御村南別墅圖

樹色溪光一幘收
物華樓畔百花洲
迢遙水驛三千里
忽引鄉心作卧遊

兩三桐柳蔭庭軒
料理春風付小園
博得宦情開一笑
報書先聽竹生孫

畿曲清渠一稜田
生涯隨分占雲煙
不須更覓淮南宅
雞犬墻陰便是仙

已辦看山向草堂
俸錢留更葺東廂
欲尋白傅閒居樂
紙閣蘆簾着孟光

用香山
草堂句

附自題村南別墅圖

樹影人煙綠一灣
溪流如帶繡塍環
故鄉風物差堪

畫割取厭原半角山

吾鄉生事在春耕
雨歇村村叱犢行
記得插秧時節
近當門風送轆轤聲

書堂東面枕丹梯
簾幙看山卻捲西
指點牆頭青影
在大蕭峯與小蕭齊

手栽紅豔傍欄杆
開處春陰釀薄寒
每向花時勤問
訊東風喜竝竹平安

飛絮初過綠漲渠
軒窗終日漾清虛
均堂杯水休嫌
窄可種紅蓮可種魚

心遠還因托地偏
煙霞觸手鎮相憐
書牀茶竈安排

後僦屋春明又六年

代友人題村南別墅圖

更於何處着吟身
馬背車簷十丈塵
詩好不嫌官職冷
眼明如見故園春
麥田量雨呼同社
花徑開樽約比鄰
惆悵葛仙峯畔景
可能容易作閒人

冬夜訪朱耐亭索其尊人子穎先生詩集賦此道
意

繁星照馬鬣
街柝寒無聲
敲門夜投刺
相見歡平生
茅堂暎殘雪
倚壁搖長檠
居然買山隱
荒陋非市城
耐亭解組
居家君能猛
回首內重外自輕
祕書藏在篋
奕葉光崢嶸

尊公擅絕藝執耳騷壇盟詩從山水出傳寫千人驚水一
張喧人語外萬山青到乾坤縱健筆炯炯抒元精要防
馬蹄前子穎少時句也雷電取詎惟桑梓榮遺編慨示我嘉貺逾百朋借消鄙
夫鄙勿湮名士名

臘八日入直待劉湘晚前輩不至

一徑木聲乾風囂老屋寒年光迎臘日詩思逼閒官似
我疾行慣如公高卧難病眸堅守黑銀海靜波瀾時余病目

封篆日口占簡劉湘晚前輩

千官鎖印散鵷班共沐

君恩又一年最是腐儒叨竊處太倉官米水衡錢

等閒不到栢臺邊
半日車看九日懸
賺得篋中餘諫紙
與君分翦作詩箋

題朱涵齋都統指畫虎

砢砢怪石紛難蹂
堂前老才風颼颼
斑奴闕號棹尾出
直視炯炯耽雙眸
入門乍見駭欲避
卻立久視寒毛髮
將軍豪氣吞乳虎
蟠胸十萬森戈矛
淋漓墨汁潑兩指
縱橫亂掃文炳彪
彪憶昔畫苑論指
法且園而後公獨
優

高且園先生指畫絕妙與公後先齊名

豹房熊館日奉勅
技有神助非人

謀涓辰作氣貌寅客斗柄東指寒光浮

畫爲戊寅年正月寅日寅時作

古人妙蹟千載留
幹之馬兮嵩之牛
寸幅珍比琳瑯球

天公下遣六丁收試攜此卷行山陬林深月黑樞星流
老狐竄跡猿狖愁安得猛士如虎頭功成萬里來封侯

守意龕詩集卷九

三韓 百齡 菊溪著

戊申

元旦試筆

萬戶新桃向日開
鬱蔥佳氣近蓬萊
一冬雪兆豐年瑞

三日春隨綵仗回

歲前三日立春

吉語椒花頻頌酒
好音爆竹

遞驚雷朝衫共作萊
衣舞鳩杖前頭鴈序陪

人日感興

四十無聞懶慢身

香山句

頭顱依舊白髭新
常虞中酒杯

留影誰道吟詩筆
有神纖月碾雲初放夜
瘦梅封雪不

成春閉門已是傷離索人日何堪悼故人

是日聞瑞閣學謝世

上元前二日同時泉庶子坦園檢討至蘆溝橋

傳座笙歌阻勝遊忍寒扶月向蘆溝東風不放柳青眼
夜雪忽驚山白頭十里宦程情踟躕一宵村語夢勾留
市燈紅映桑乾水畫壁難尋舊酒樓

送張孝廉奎齊之山右學使鄭耘門前輩幕中

萬疊雲山通鞏洛三邊形勢重幽并卽今蟋蟀風猶儉
到日關門雪正晴國士舊逢李元禮經神誰似鄭康成
絳帷開處春光暖坐聽弦歌譜頌聲

輜車三載憶陳風蒲版平陽望鬱蔥定有人才鍾間氣

況邀鑪錘是良工人歸烏府聲名重山過龍門眼界空

寄語草元須努力莫教壯志愧雕蟲

謂申鶴翔孝廉

二月三日時泉樹堂坦園集頤園因念恭蘭巖左

遷瑞芝軒謝世同社之感不能已於懷也

歲月一回首小園春又歸招邀文字飲悽惻故人稀別
味記甘苦同心無是非只應敦夙好燈火伴書闌

是日蘭巖適至見和前詩仍疊韻答之

客來真不速耽旬夜忘歸但使古風在何嫌今雨稀空
難書咄咄想已絕非非定有文昌氣晶瑩動瑣闌

竹雲孝廉見和前詩疊韻酬之

君來山水窟未放一帆歸馬似白眉少阮逢青眼稀家
聲漸不墜吾道未全非咫尺探花處春風扇棘闈

清明日同人集庶常館作詩課賦簡一律

女牆風柳曳春寒一縷新煙撲畫欄食葉有聲聞隔座
穿犀無勇怯登壇齒增漸覺麤才盡眼暗還愁細字難
惆悵年時吟伴少破窗容易夕陽殘

草色

次竹雲孝廉韻

好襯花光陌上歸東風吹綠映柴扉十分晴暈牆腰滿
一寸濃黏屐齒稀慣惹離情延浦潑乍牽幽夢入煙霏
傷春莫共青袍感柳汁逢君定染衣

杏花

次竹雲孝廉韻

襖被西園信宿歸
眼明紅杏出荆扉
春當欲送開何晚
花不能多愛自稀
曾向午橋誇豔植
劇憐深巷倚朝霏
一欄斜暉風如翦
小摘芳鮮暗襲衣

書城南寺壁

溟濛花寺隔煙蘿
鈴語宵深喚客過
走壁龍蛇燈影動
傍簷鳥雀樹陰多
舊遊人已隨雲散
壯歲心還與墨磨
濁酒半壺禪榻穩
打門無賴是風婆

南海子道中遇風

野屋如魚鱗
遠近夾陂淀
千條萬條柳
一一弄柔線
城

南尺五天彷彿入鄉縣雙輪逐日影雲霧接行殿長垣
四十里一氣走方甸排空聲怒號斗訝雄風旋揚沙塞
土口我僕忽不見天心善鼓盪乃識道之變迷途貴知
止捷足安可羨禪房雲水清一掬沃塵面

南紅門外作

黃栗留聲繞翠旗

鑾輿到處普春祺已欣租賦蠲三輔況掃欃槍罷六師
是時平定臺
匪捷音至水漲野塘魚貫柳雲開仙囿鹿啣芝南紅

門外村村景願結茅庵自縛籬

禱雨三壇越日得雨志喜

載星趨直街鼓撾城南尺五歸日斜巔風健決土囊口
隔轍眯眼飛黃沙平疇不雨龜兆坼坐恐田畯憂禾麻
朝中

聖人軫民瘼調燮不使陰陽差春風風人夏雨雨氣之
所感成休嘉赫沖一擎肅施令神女火速排雲車涵濡
下尺勝珠玉膏乳泣泣盈均窪勢將豐年作上瑞始不
可望終乃賒無田我亦額手誦飽食卧看庭前花故人
泥湔約豪飲淋漓杯罍濃雲遮閒官好事例有句硯席
積潤蒸奇葩扶輪大雅讓名宿

謂吉渭
崖年伯

小儒飢餒安足

誇鳴鳩一一喚晴旭似挾好語來君家夫人南嶽祝壽

考

是日爲耕亭
外姑撰壽言

更爲庶子揚春華

雨壇謝降

萬葉濃稀曉日光崇壇牲醴鬱升香不因生計關蒼赤
那得歡心動廟廊滑滑山禽來好語涓涓溝水是甘漿
繫轅欲上豐年頌泥湔沾衣正不妨

春怡齋夜話賦贈蘭巖

隔日曠幽思宵深忽對牀撥雲新月皎吹雨晚風涼少
睡耽茶盞澆愁怯酒觴平居官共冷偶聚話偏長回首
神仙籍驚心翰墨場賡雲依

朶殿賦獵侍山莊海嶠文星麗河汾使節光十年頻出

入一日各迴翔粉署頭銜改槐廳履跡荒心猶貞鐵石

身已笑粃糠況復朋儕少都看鬢髮蒼懸琴思栗里謂白

西巖侍讀

吹笛憶山陽

謂瑞芝軒閣學

捧檄毛應喜

和霽園明府

途窮阮

更狂

陳虞亮國博

眼前誰市駿事過等亡羊似我浮沈久知

君寵辱忘未嫌愚是叟合以漫爲郎遠訂看山約閒鈔

種樹方談禪除熱惱說鬼任荒唐歲月從容得詩篇爛

漫償歸鞍斜漢轉餘興寄蒼茫

喜同年鄒曉屏祭酒莫青友鴻臚典試浙江

擁傳秋風一笑看同年況復舊同官文章報國談何易
冰蘖盟心事不難已見置身歸顯要定應舉手振孤寒

浙江潮似詞源湧望海樓頭是大觀

送時泉宮庶同年典試四川

星軺晴擁蜀山雲玉尺森嚴特付君

帝爲儒林崇矩矱人從史館誦清芬
藥籠參朮徵材富詞峽源流點筆分
楊馬善鳴風格在要憑老手振斯文
矮簷甘苦廿年情誓此心如劍水清
釋褐舊曾同座主傳衣今始到門生
川分巴字探奇蹟化洽文翁譜頌聲

謂李雲
溪中丞

網盡珊瑚揮彩筆好詩題遍錦官城

再簡鄒曉屏同年

槐市輕陰護絳帷經師原不愧人師
旁無汲引榮三接

早有聲名凜四知扶雅況當持節日酬心須記閉門時
尋常投贈都堪卻只是西湖要好詩

丙午仲冬蘭巖太史以使粵草屬題經年未及作
答戊申長夏下直無事取讀之爲跋二十韻

掩關避煩暑幽夢入巖壑夢迴清風來似與故人約
中流好音聞卷叩寂寞快哉几案傍大珠小珠落前年
記送君旌旆爛如昨

九重付玉尺氣壓羊城腳得人天下奇辛苦暗中索歸
裝鄙陸賈那用千金橐留此詩百篇健筆任騰躍藹若
山出雲迅若風掃箨或嶽麓千尋或曹溪一勺韻曼韶

石清狀怖潭水惡信知靜者情相遭淡與泊先生造鳳

手炳彪石渠閣九萬徙溟鵬欲進勢忽卻

蘭巖近被吏議左遷

天

將老其才根節日盤錯會登作者堂鐘鏞互擊搏吾詩
笑混沌因君特開鑿敢云騁繁辭聊以踐宿諾心地冰
雪清南天望寥廓

爲鑑溪題扇題畫

一握風搖片片雲坐看舉手豁塵氛樹陰濃處溪山好
留得茅庵似爲君

誰於城市憶山家解賦歸田樂便賒箇裡若教安筆硯
定傳好句到煙霞

七夕前三日送蘭巖晴巖昆仲于役灤陽

西風吹枕夢初醒
秋入關門一葉零
邊月高高天似水
又從馬背看雙星

不須鴻雁感秋音
下直開樽坐茂林
小雨乍晴殘暑退
磬鍾峰畔對牀吟

宰堵銜山入畫圖
碧城晴望白雲鋪
一鞭蕭寺重停馬
爲問僧籠舊句無

時泉別匝月矣計其程當在秦晉之交作此懷之
一月二千里匆匆彈指間
料君詩思好輸我宦情閒
汾水白浮岸華山青入關
鹽車逢老驥拂拭貢天閑

七月五日晚熱太甚

皇天任暑虐赤日畏焦爛小園夕景佳樹影接帷幔誰
鼓造化爐向晚益投炭轟轟蚊雷鳴熠熠螢火燦那得
清涼珠置之琉璃案病魔不就枕懣懣夜將半人間多
熱中襍穢坐三歎欲浣冰雪賜洪波瀉天漢

七夕前一日大雨

西風挾濃雲堆屋黯如墨凌晨射雨鏃倉卒陽烏匿翻
盆簷溜粗溝水漲頃刻茅堂如斷艇飄蕩不可測貧官
志一飽所憂在黍稷忽憶女與牛相望淚沾臆銀潢波
浪掀渺渺鵲橋失元冥敗人意或亦奉帝勅補漏石猶

難況堪漬絲塞

題譚蘭楣孝廉詩意圖

空山杳塵跡寒韻落松篠撚髭一展遡會意已不少詩
人例放曠借境釋煩擾向非憂患餘未必東山好不然
邱壑中母乃太枯槁君操清廟音下筆波瀾老詞壇突
樹幟坐領聲名早蓬蓬揚春華歲月益自保神仙富翰
墨閭苑拾瑤草何嘗枚與鄒寒瘦似郊島

聞蟋蟀聲次竹雲韻

銀燭風搖雨未成牆腰籬角短長聲校量秋意纔三伏
悵觸吟懷已半生可是勞勞難共語卻教脉脉自含情

疎窗一枕頻驚夢芳草斜陽憶聽鶯

次韻答蘭巖灤陽見懷之作

輦路清塵笑着鞭馬頭山共白雲連重來隔歲人如夢

小別經旬日似年感舊不須悲宿草

謂芝軒閣學

勝遊還好

挾飛仙無端一夜蕭蕭雨聒耳秋聲意惘然

次韻蘭巖小雨過南天門

天半一回首冷然心骨清關河懷舊跡車馬悵勞生畏

路青梯濕橫松翠蓋平次寥收雨腳應共喜新晴

次答蘭巖夜雨見懷仍用前韻

一聲窗外走雷鞭驚起頑雲斷復連秋夢半牀添夜雨

故人雙鬢惜流年也知無藥能醫俗若許登舟便似仙
閒宦喜無公事擾得陪詩酒日歡然

蘭巖以灤陽雜詩見示三疊見懷原韻奉簡

高義生平慕執鞭更看詩似貝珠連杜公門不來今雨
楊子情多悔少年乍領煙霞身入畫止談風月更如仙
灤陽舊是陪遊地射虎南山夢杳然

題曹劍亭先生倚松聽泉圖

別置一邱壑此中消俗緣陰森兼竹石空濶但雲煙其
趣少知者所懷都澹然溪聲清入耳莫負在山泉
況復蒼髯叟蕭蕭伴白頭夜濤心汗漫晴蔭夢夷猶別

野笙歌歇空山歲月道小窗頻讀畫物外想清遊

雨聲 得宵字

萬點秋聲合沉沉聽轉遙軒窗回短夢燈火逼涼宵溜
雜巖泉急風兼木葉飄更從淒惻裡霑灑憶春朝

風聲 得尖字

不是甘番信冷然肌骨砭其來似逢怒所過卽忘炎颯
颯竹梧並錚錚金鐵兼山窗吹夢遠聲在萬峯尖

水聲 得帆字

潦淨寒潭駛天空啟鏡函江流喧萬馬瀑布落千崑以
石投逾激于琴悟不凡桃花春漲暖括括送輕帆

葉聲

得乾字

片片辭柯去低飛落影單打窗和月碎敲砌墜風乾蕭
索胃愁思飄零生暮寒不堪蟲語外槭槭獨凭欄

馬聲

得嘶字

翹首高原上一鳴秋已淒激昂關樹冷宛轉戍樓低可
是思莠豆無勞憶鼓聲空羣詎常有往往重騎嘶

蛩聲

得煩字

聒耳教誰聽嚶嚶不憚煩翳余因所託爲汝欲無言夜
雨短檠外曉風秋樹根沈寥吟最苦聽不到朱門

鐘聲

得撞字

秋色靜含寺一聲清到窗于茲發深省枯坐息紛囂遠岫因霜警荒村帶月撞僧歸敲舊句孤韻繞珠幢

砧聲

得敲字

揜袖西風急碾碾向晚敲樹聲驚宿鳥壁影振寒蛸萬戶若相和寸心難遽拋所歡歸信早邊塞奏金鐃

月影

得佳字

碾綠秋蟾皎徘徊影亦佳圓輝無住着冷暈忽分排攬處不盈手投之空滿懷高寒良可念邀共佇雲階

雲影

得羅字

本是無心出翻成幻景過濃將烘曉旭淡或誤明河澗

底撥難定月中流更多智霄澄似洗片片映秋羅

山影

得癭字

誰拓畫中景而于秋甸鋪凸凹分瘦透橫側總模糊落
澗水疑隔入樓雲卻霑空餘邱壑想可許着詩癭

簾影

得閒字

秋展一簾夢層層相對閒密剛分蠟炬疎已界屏山不
藉人舒卷能教燕往還細紋浮翠篠思入水雲間

竹影

得疎字

到眼森如許梢梢晚霽初細篩霜逕冷濃壓紙窗虛落
箭樹驚鳥投竿池誤魚此君原不俗伴影亦蕭疎

菊影

得籬字

澹客忽成偶蕭蕭橫短籬那能餐落蕊空憶把疎枝片
月瘦如畫一燈寒漸移色香都寂寞應笑蝶情癡

鴈影

得斜字

肅肅碧空外迢迢歸路賒斷行涵淨渚留字劃寒沙偶
以片雲掩還因殘照斜縱無聲到耳客思已天涯

蝶影

得黃字

亦復栩栩活相隨秋過墻不緣驚夢幻直擬狎輕狂含
日色猶澹遇花陰便藏更誰能捉影掩映倚昏黃

雨聲

爲誰兒女語竟此可憐宵風燭得無淚并桐應更凋顏
侵孤枕簟只隔一窗窸自卧春衣後疑愁鎖未消

風聲

已近戒寒日此聲清且嚴傷心到團扇吹夢入重簾孤
嘯人何許單衣客正添呼童問霜葉飛徧碧山尖

水聲

年光此流盡顧我尙青衫高枕幾人夢愁風他夜帆兼
之有蘆荻暢以落楓杉料得孤篷底含情只自緘

葉聲

年年一搖落今又滿長安側想樹間響遙憐空外寒積

深渾欲靜墜急更知乾倘傍青松下那驚歲月闌

馬聲

敢以鳴稱善長尋舊柳堤驚沙荒野北冷日大旗西落
落竟誰合蕭蕭空自淒君看潮橋岸卻有蹇驢嘶

蛩聲

不分隨絲管教人兩手煩故成新羽翼重到舊牆垣滅
燭可容寐閉門還復喧侵尋汝何意天地有郊原

鐘聲

霜氣駸駸覺愁魔細細降塵緣萬人海僧定一禪窗卽
境彌蕭爽無言但擊撞微茫故山石歸思滿秋江

砧聲

小婦空閨裏征衣且自敲三邊聞最冷雙杵忍輕拋刀
尺共遙夜關山非近郊秦時一片月曾照幾娥媼

月影

夜久似知冷強將人影偕山河清鏡裏風露渺天涯圓
隙來應數空明擊更佳新寒到烏帽吾正念同懷

雲影

漸異碧嵯峨徘徊見薄羅帶煙隨意斷籠月有痕拖彷彿
迷高閣輕盈亂遠波荒臺原夢幻楚語到今訛

山影

抱影空廬者君將偃蹇俱斷青當密竹飛翠入寒蕪有
闌排原好無雲立更癰斜陽每虧蔽未夕暗前途

簾影

誰把湘波翦濛濛賸淚斑涼煙侵更暗香篆駐同閒燈
短兼迷押門斜欲礙銀傾城舊消息長在有無間

竹影

煙霧一何細始知秋色疎樽開涼過酒窗動暗連書翠
拾空濛裏金憐瑣碎餘文全如解畫待月落庭除

菊影

那是橫陳夜春蘭悵異時襟懷高士共蹤跡酒人知夢

冷間移枕陰濃巧借籬白衣衣袖上約畧見霜枝

鴈影

有客江船立頻驚過影斜舉頭但雲樹極目是蘆花聞
遠音猶剩無人態已遮湖波慣相誤休近赤城霞

蝶影

下苑花全盡西園草又黃撲來真似夢穿過未留香閃
閃迷斜日依依隱曲廊自憐空自顧殘蜜墜蜂房

西苑直廬夜話次蘭巖韻兼簡樹堂

門外山寒月倚輪坐臨秋水締清神遊仙有夢仍前度
同調如君更幾人一晌流連光景換半生牢落性情真

驂駟道路誰開得駕步空教羨絕塵

巨手同扶大雅輪十年聲望屬經神題詩尙憶陳風處
載酒應多問字人詎以迤邐羞骨相每於踈放見天真
傲霜好在黃花朵料理清尊浣俗塵

五坦園太史改官侍御賦贈

五雲多處玉堂偏一樣迴翔十四年于我舊宜羞噲伍
對君今又愧盧前從容立仗班行肅肅散橫牀坐席連
儘有餘閒供嘯咏試分諫紙作吟箋

伏蒲無事近

楓宸喜見采衣繡豸新幾輩能消清宦福兩家都有白

頭親調絃韻好情偏感

時垣園將迎繼室

束髮交深語最真出

處道同窮達共豈惟桑梓託朱陳

葛生菱溪客遊真州以詩卻寄

曾煩載酒共譚經出入真同影伴形百事與余無刺謬
十年見子尙飄零名場未老頭先白客路相看眼孰青
淮海秋風吹木葉氤氳孤鶴惜脩翎

故林寥落硯田荒貧病經年滯一方冀野無羣空悵望
揚州有月亦蒼涼傳來消息朋儕感說到生涯骨肉傷
女嫁男婚更添累可能容易別家鄉

羣彥交親氣概中別離都似馬牛風依劉賦久悲王粲

薦禰書仍愧孔融薄宦閒多堪作隱壯心銷盡易成翁
迢迢漏永燈昏夜何處霜天喚斷鴻

小春下澣陸樸堂學士過訪賦贈二首

澹如寒水故人情小坐香留硯席清每爲言多思讜論
卻緣交久見平生經年養望珪璋達隻手掄材竹箭呈

時學士主
試武閭

自此春風弦誦裡裁詩好與誌干城

戛牙頭銜歲月更一條冰比玉堂清官容耐冷豈非福
詩到難工轉愧名墻角棄檠憐故態庭前愛日是私情
小春天放梅枝發未送嚴飈暮雪聲

阮唐山司寇得孫詩以賀之

桐軒佳氣長孫枝恰趁城南退直時子爲鍾情還置膝
人堪忘老是含飴已過週甲身逾健若論添丁日未遲
我少公年纔二紀早生白髮尙無兒

時泉同年歸自蜀中賦贈

關心長路計星軺得見君令渴思消百五日中裘葛換
六千里外雨風遙已看士氣伸同輩況有文章慰滿朝
晝接益崇山斗望萬人擡眼向丹霄

白鹽赤甲矗青冥到處看山使節停老木風淒籌筆驛
斷碑雲護草元亭兩川人物歸陶冶百首詩篇是典型
如此勝遊堪夜話也應容我醉中聽

時泉還朝之次日

特召試詩駸駸嚮用矣喜而成什

纔咏皇華什俄聞白雪歌

九重量玉尺五字著金科汲引人何與沉淪日已多平生期許意歡洽到巖阿

題蕭雲巢聽松圖

朔風如鏃六花墜竹石當門映寒翠眼中突兀千尺松
濤聲落天雲滿地森然拔俗靜者流小坐誰知抱膝意
龍鱗虬角不可攀愛此磊落昂藏之高致山苗葵社櫟
棄錯節盤根識利器會棲鸞鶴凌青冥豈比鷦鷯一枝

寄

十一月廿日聞

廷試旗籍詞林病中賦簡蘭巖

澄簡羣倫

睿鑒寬又繩名實到儒冠何須技愧雕蟲小畢竟才堪
倚馬難一日短長應有命千秋得失不因官堂堂筆陣
風雲合斂手驚從壁上觀

換骨何因覓大還玉皇香案隔蓬山如君尙作巖松偃
似我應同社櫟剛竟日耽吟真是癖往時無病亦多閒

蘇詩因病得閒殊不惡

飛騰鏡裏年光速白髮欺人失舊顏

次答蕭巢雲長歌行

夜鐘驚耳萬想滅茶鼎翻波嚮幽咽藜牀黃卷伴愁影
筆似枯枝硯成鐵玉樓十二金闕遙夢回天樂笙歌闕
欲從勾漏尋丹砂苦憶峨嵋踏瓊雪遊仙一枕心骨寒
上界何容熱官熱瀟湘洞庭波浪濶美人渺渺寄愁絕
管領春風白芷香飄搖朔吹蒼松折爲君把酒歌莫哀
醉眼迷燈花片結

次英煦齋孝廉尋梅韻

薊門紅葉點荒岑一路寒鴉噪晚林可似羅浮村畔景
暗香疎影共招尋

蹇驢無計伴幽尋處士風流祇憶林昨夜紙窗飛夢遠
瘦雲涼月到孤岑

索句無端笑口開南枝先放好春來憑君料理生花管
一首詩題一樹梅

暖窖烘煙絢早梅瓦盆移近繡屏來誰知鄧尉香如海
都向寒山雪裏開

次答英煦齋不寐二首

萬緣消盡一龕燈孤坐寒深榻欲冰豈是維摩能示疾
在家靈運本如僧

漸覺春消朔氣嚴壁衣猶恐透風尖藥鑪茶盞清無夢

酬唱因君夜課添

次答蕭雲巢見贈之作

客從郢中來曲高和則寡一唱更三歎遺音祖騷雅迢迢湘水深洪流赴腕下當其弄柔翰紙貴競傳寫昨朝惠新詩讀竟舌本哆清言刮塵垢巨響震暗啞吁嗟楚有材落落孰知者鳴琚登石渠望重枚與馬嗟余日荒落趨向復苟且低頭常不辭况乃拜東野古人懸正鵠穿鑿遂斥庠登堂而入室此道烏可假淋漓天壤間大筆何人把空羣待伯樂冀北豈無馬除是賤場師冥心棄梧楨君今遊匠門載酒奉尊斚

巢雲館于定園師齋中

胡爲謬

推許使我厚顏赭法門本不二存乎其人也靈源貝葉
文慧業蓮花社回頭謝時好性靈足瀟灑倘尋一晌樂
聚蚊誚歡謾君才如穎士臧獲亦不捨會當掣干將風
雲佐陶冶

歲暮煦齋過訪卽次其見懷韻

紅燭籠紗映畫檐幾分花逗鼠毫尖詩懷似我連朝惡
子適有不書味於君逐日添檢點歲華開秘籥徘徊街
如意事漏遞寒籤蝸廬近與龍門接公李論交定不嫌

大雪後一日感興次答煦齋二首

繞逕杈桠樹幾圍一堆晴雪照園扉世間閒福誰消得

靜裡回頭萬事非

除是空門戒律僧蕭然常伴佛前燈若論人海波濤裡
立腳何容不戰兢

寒宵課讀圖爲呂香圃大令題

努力青冥上回頭白髮哀春暉留畫卷客夢到南陔機
斷何能續書藏不忍開遙憐庭樹裡風雨夜烏來

除日謝煦齋惠鹿鷺

荒廚一笑瘦年貧兼味欣分水陸珍萃野譙慙歌雅什
竹欄聲憶開比鄰傳柑堂上歡情洽翦韭春前節物新
並饜老饕無一事坐令溫飽負儒紳

除夜

響振林鴉爆竹連六街燈火散寒煙弟兄身在春暉裡
兒女花簪白髮前易感閑愁惟晚歲難消壯志是中年
銅壺漏永金尊滿醉把吟髭未肯眠